



NATIONAL CENTRAL LIBRARY, TAIWAN, R.O.C.

四明侯宗曰惟先生彛訓本闡
 性道克明學海文府竝慮英聲
 允水末造搯危挂傾龜鑑鐵石
 孚是精誠大號風渙高詞允晶
 鍾石遷變藻黼蔚榮峨峨薈芬
 千古宋廷遺容有眸後來其刑
 唐之表聖漢之康成

童槐謹題

王厚齋先生小傳

四明文獻集

鄭

真



王應麟字伯厚號深寧居士慶元人九歲通六經十
 六歲從鄉先生吳參倚游復從王埜受學得呂成公
 真文忠之傳淳祐元年舉進士為西安主簿調浙西
 提舉常平茶鹽主管帳司調揚州教授寶祐四年中
 博學宏詞科添差浙西安撫司幹辦公事遷國子學
 錄進武學博士遷太常寺簿通判台州呂為太常博
 士擢秘書郎俄兼沂靖惠王府教授彗星見應詔極
 論執政侍從臺諫之罪積私財行公田之害遷著作
 佐郎度宗即位攝禮部郎撰百官表操筆立就授兼

禮部郎官兼攝學士院俄兼權直兼崇政殿說書遷
著作郎守軍器少監轉對擢兼侍立修注官遷秘書
少監兼侍講遷起居舍人兼權中書舍人牒閣門直
前奏事謂用人莫先察君子小人袖疏侍班臺臣亟
駁之由是二史直前之制遂廢出知徽州召爲秘書
監權中書舍人遷起居郎兼權吏部侍郎以母憂去
德祐改元授中書舍人兼直學士引疏陳十事進兼
侍讀遷禮部侍郎日食應詔言答天戒五事陳備禦
十策皆不及用轉尚書兼給事中左丞相留夢炎用
徐囊爲御史擢江西制置使黃萬石等繳奏論囊與
夢炎同鄉有私人之嫌萬石麓戾無學南昌失守誤
國罪大夢炎舛令悞諫今之賣降者多其任用之士
疏入不報出關俟命以翰林學士召力辭東歸家居
凡二十年著書三十餘種惟玉海盛行於世學者稱
爲厚齋先生

榮德先生年譜刊四明文獻集

先生歷官諸教文錯最頗有陳張此本增入杜為難得惜抄時未及細核其語字法字想由刻本脫漏不知陳張編撰時亦擬仿宗乘所載抑府志亦乘未擬若乘所出亦在陳張後也

王深寧先生年譜

里後學業熊校刊男培培元覆校

陳僅纂輯

張恕編次

宋寧宗嘉定十六年癸未先生生

先生姓王氏諱應麟字伯厚又字厚齋行廿二以

是年七月二十九日寅時生弟應鳳生與先生同

日應鳳字仲儀又字默齋小字若鳳宋史儒林本

應鳳同日生宏簡錄道學本傳父攜同日雙麟與弟

子曰應麟應鳳僅按嘉定癸未七月庚午日先生

與弟應鳳同日生見先生自作墓誌及先生子昌

世所作壙記百詩闕氏以為生於嘉定十四年辛

國家圖書館 NATIONAL CENTRAL LIBRARY, TAIWAN, R.O.C.

年言

仁和張大昌輯譜
有禮部二字

張本郎

經宗二年三月
吳州理宗本

已誤竹汀錢先生年譜謂應鳳後本貫開封府祥符縣曾祖安道字時中武經大夫保信軍承宣使建炎初扈蹕南渡乾道間始定居於鄞僅按嘉靖鄞縣志南一里宋高書王應麟所居至今稱王家亦稱錦里今考先生故居在城西南廂縣故學前府謝山全氏湖語注深寧封鄞伯故所居白鶴廟之東廟相傳為先生書堂遺址即所謂汲古堂書庫也王祖亮字寅仲武經郎潛撰黃昌世墓誌云朝散大夫又按高斯得撰先生父王觀至武經大夫保信軍承宣使轉利州父攜字謙張本奉父即以是年登進士重珍榜與余天錫同年後官至朝請大夫吏部郎中兼國史院館編修官實錄

院檢討官兼崇政殿說書直秘閣贈正奉大夫

贈陳氏碩人

十七年甲申二歲

理宗寶慶元年乙酉三歲

二年丙戌四歲

侍吏部公於安吉

三年丁亥五歲

紹定元年戊子六歲

二年己丑七歲

三年庚寅八歲

四年辛卯九歲

年言

二

通六經

五年壬辰十歲

六年癸巳十一歲

侍吏部公於臨安

端平元年甲午十二歲

二年乙未十三歲

三年丙申十四歲

嘉熙元年丁酉十五歲

二年戊戌十六歲

從鄉先生吳參倚學

三年己亥十七歲

吏部公遷國子監正先生隨侍入朝是歲余天錫參

知政事屬吏部公教其子弟歲終致束修堅卻不

受曰吾二兒習詞學鄉里無完書願從公求尺牘

往借周益公傳內翰番陽三洪公暨其餘習詞學

者凡二十餘家所藏書余欣然應之吏部公性嚴急

每授題設巍座命座堂下刻燭以俟少緩輒呵謹

之由是先生文益敏捷僅按吏部為樓迂齋高弟

位終不達文章氣節推重一時先生之淵源家學

四年庚子十八歲

傅伯壽 誤傳 錢作白

是年八月試國子監中選試題安人天民之福賦
整翮當雲霄詩下逮駱——太史所錄論策問蜀帥
北使次問士氣末問教胄子

淳祐元年辛丑十九歲

是年二月別院省試奏名試題口道德賦當春乃
發生詩統紀法度如何口口論策問科舉次問道及

張大昌本乃誤

學末問理刑 四月御史臺覆試試題人君之道

無私論 五月廷試乙科賜進士及第僅按徐儼夫榜親試

策問正學吏治邊防邦計耕屯荒政六事太祖肇

基高宗中興規模 六月聞喜宴賜御製詩涼菲

膺圖屢改元賓興六詔五臨軒勵精思振清明政

策秀欣求讜直敬言致主莫如仁與義立身体計飽

和溫時艱全藉賢經濟勉力應無負選掄 七月

侍吏部公通判婺州在婺從王楚受學得呂成公

真文忠之傳是歲史彌鞏知婺州與吏部公同事

相得史公五子能之胄之皆先生同年及有之胄之胄之均侍兩家子弟

相好也

二年壬寅二十歲

授迪功郎衢州西安縣主簿民以年少易之先生
白郡守繩以法諸校欲為亂縣令倉惶無措先生

年譜

以理諭服之

三年癸卯二十一歲

四年甲辰二十二歲

五年乙巳二十三歲

侍吏部公入朝

是秋作廣恩崇福寺記宋史本

麟登第言曰今

之事舉子業者沽名譽得則一切

委棄制度典故

漫不省非國家所望于通儒于是

閉門發憤誓以

博學宏詞科自見假館通書讀之

至正直記云四

明王厚齋尚書博學每館以書冊納

袖中入祕府凡

見典籍異聞則筆錄之復以袖中

而出僅按先生

自登第至試詞筆在朝之日甚淺

其假館閣書未

知當在何時附記

于此以見先生

學問之本原云

六年丙午二十四歲

是年十月赴西安

七年丁未二十五歲

八年戊申二十六歲

十月差監戶部平江府百萬東倉

是年長子良

學生字茂章

九年己酉二十七歲

是年三月陞從事郎

十年庚戌二十八歲

十一年辛亥二十九歲

是年吏部公為四朝史編修官撰輿服志四卷

張謐妻東字

上晉

弟應鳳以蔭補將士郎 代吏部公作謝賜御書
竹林汲古傳忠六字表

十二年壬子三十歲

是年四月差浙西提舉常平茶鹽司主管帳司部

使者鄭霖異待之 七月考試臨安 十二月丁

吏部公憂 僅按廣記云淳祐十二年差浙西提舉

憂寶祐三年服闋差揚州學教授按吏部公以

十二月三日卒年六十九歲譜謂卒于寶祐元年

癸丑十二月則乙卯十二月方再期

不得除服赴差揚州當以廣記為定

寶祐元年癸丑三十一歲

二年甲寅三十二歲

三年乙卯三十三歲

是年二月服闋 三月差揚州學教授 僅按先生

街云從事即新揚州州學教授若三月差授至明

年二月歷時已久似不得稱新豈命雖下而以

試事實未及赴任故仍從初銓之例歟附疑俟考

四年丙辰三十四歲

是年二月試博學宏詞科中選試題昭慶軍承宣

使左金吾衛大將軍荆湖北路安撫副使兼知鄂

州授宣武軍節度使龍神衛四廂都指揮使夔路

安撫使兼知夔州兼提領措置屯田兼控扼瀘叙

昌合四州邊面加食邑食實封制周山川圖記代

重且案

辭學指南

第一場二首

五月十七日二

文均載

庚申年
第二場二首十三
第三場二首十四日
國文均載

年譜

皇子謝賜御書考經十六句表十四日試第三場題堯衢室銘天禧編

御集序漢華平頌 三月有旨聽擢 四月添差

浙西安撫司幹辦公事 五月集英殿策進士宣

入殿廬克覆考檢點試卷官考第既上帝欲易第

七卷置其首先生讀畢頓首曰是卷古誼若龜鑑

忠肝如鐵石臣敢為得人賀帝喜遂寘第一及唱

名乃文天祥也先生弟應鳳亦以第二甲第九人

登第

五年丁巳三十五歲

遷主管三省樞密院架閣文字 七月除國子錄制

朕欲以理義淑人心以教法新士習師儒之官其

誰宜僉曰爾文杓篤實無華蠶洗其質也爾用存

修潔有守金玉其相也爾似道識度老成斂賢而

秋也爾應麟才思汗瀾斂華而春也儀于周行聲

聞藉甚是用進文杓於東博升用存於經博擢似

道於武博應麟則掌常成均之法以飭之夫業精於

勤荒於嬉行成於思毀於隨此晨入之誨也爾豈

遜於愈者哉朕將有考於斯可 十月改宣教郎

依舊職

六年戊午三十六歲

年譜

是年六月除武學博士制朕新美多士遴擇庶官文武之教雖殊而所以教則一以爾得吉魯然其文淵乎其道其陞師屬以迪胄子爾耕學茂而醅辭麗而則其博通以淑生徒爾應麟見聞殫洽才思翕然其範韜鈴之士爾口璞年耆德明氣和守正其舉糾繩之政夫古之學者必時春夏教禮樂秋冬教詩書而干戈羽籥之容亦在所必講爾其惟勤惟思往以身率使正音鏘訇於金石則在泚莪菁矣上疏言人才乏而民力殫宜謹左右而防壅蔽求哲人以輔後嗣既對上問其父名曰爾父以陳善為忠可謂繼美

開慶元年己未三十七歲

是年正月為禮部點檢試卷官二月除太常寺簿制奉常口口口口陳殷置輔隸其間非才識兼茂聞望素高者不卑也爾應麟博聞而強識積學而多文固嘗以異科顯矣由右序而稽秩宗榮進豈易量哉聲教四達文治勃興非國家盛事歟尚其勉之毋但曰供簿正而已矣則朕以懌三月出院五月輪對後殿時丁大全為丞相欲致先生不可得大全諱言邊事先生入對言軍功未

集而吝賞民力既困而重斂非修攘計願陛下勿
以宴安自逸勿以容悅之言自寬上以邊事為憂
先生言無事深憂願汲汲豫防毋為壘蔽所欺由
是益與大全忤是日即以臺諫疏論罷 十月辛未朔
大全罷賈似道為右丞相 弟應鳳中博學宏詞

科

景定元年庚申三十八歲

是年九月轉奉議郎添差通判台州

二年辛酉三十九歲

三年壬戌四十歲

是年八月赴台州僅按家乘云是歲長子良學登
第而擴記未言浙江通志選舉
六是年方山京榜亦無良學名凡家
乘中如此類皆不足徵信今盡削之

四年癸亥四十一歲
是年二月轉承議郎 五月除行太常博士制奉

常漢樂官也博士皆以專經選今惟禮樂是司視
成均尤重且率為繁官要轍之儲爾以詞學進身
文譽滋著亦既任師儒之責矣明禋秩典召而歸
之講明圭幣之文品齎豆之事往殫爾職嗣聽
異除文字官非爾誰屬 七月供職 九月祀明
堂為前導官

五年丙子四十二歲

是年除行祕書郎制郎於祕府職亞南宮非得名

流曷稱厥職爾應麟見聞殫洽學殖淵源嘗登詞

翰之科則宜游宏達之林矣雍容冊府蓋將養資

望培器業以大其所成就也賦三都奏二漢無取

焉勉爾猷為對予寵渥七月彗星見詔求直言

先生率同舍五人扣閣上書極論執政侍從臺諫

之罪積私財行公田之害又勸弟受直言以應天

變八月輪對延和殿有旨繳進是月兼沂靖惠

王府教授九月赴講堂講禮記十月度宗即

位三日請聽政有旨兼攝禮部郎草百官表故事

嗣君御殿丞相回上表即允忽奉旨增撰三表先

生操筆立就丞相護山陵畢復令作辭表三通更

拱立以俟先生從容授之丞相大驚異十二月

除行祕書著作佐郎制書省有位非元元本本殫

見洽聞者不得與於斯文也爾應麟精筆妙墨蚤

擢詞科記事纂言見謂博識文采炳蔚學殖深長

讀中祕書既竝游於東觀攝名表印嘗草奏於南

宮序遷史筵益觀文筆緬懷元豐更官初皇祖大

訓以為非蘇軾不可茲豈直取人於詞藝間哉尚

企前修益培遠業

僅按廣記遷著作佐郎在度宗登極前

登極恩

轉朝奉郎

曰制生民

予君故尊居於大寶惟辟作福

斯溥錫於湛恩茲於一人踐阼之初是人臣委質

之始粵從京秩遞進華階臣事君以忠宜勤厥職

官量能而後嗣選爾勞

度宗咸淳元年乙丑四十三歲

是年正月直學士院馬廷鸞知貢舉有旨攝直學

士院 三月兼權禮部郎官 四月考太學補試

閏五月兼翰林權直學士院崇政殿說書 六

月經筵進講周易讀稽古錄 七月除著作郎

昔神宗謂著作郎非蘇軾不可聖眷厚矣然軾未

嘗一日安其位其為名表郎為翰林學士則皆无

祐初年也爾種學績文遂登朝列今由少者升大

著且一日盡踐軾所居官望彌厚矣其益以軾之

文章節義自勉以稱予意 十一月賜緋魚袋

是年次子昌世生為四月廿三日辰時

僅按據黃潛墓誌當

生於咸淳三年丁卯卒 湯文清公為太常少卿

年六十一與家乘異 與先生鄰墻居朝夕講道言闕洛濂閩江西之同

異永嘉制度沙隨古易蔡氏圖書經緯西蜀史學

通貫精微剖析幽眇湯公曰吾聞士良廣惟伯厚

乃真儒也僅按宋史湯漢字伯紀安仁人官至端度宗登極後錢譜附於景定四年宣波府志亦云應麟為太常博士湯漢為少卿比屋而居皆失之不考今訂正

二年丙寅四十四歲

是年正月除守軍器少監制朕妙揀臣工分典戎器以詞臣領率循神考之規繇望郎進有若阜陵之瞻爾精探力索殫見洽聞承明著作之庭稽古禮文之事大易辨問之學兩漢制誥之風為邦之光咨爾大雅益國家明政必閒暇之時而器械精能須學問之士已若茲監以修戎其課參軍而

升保直忠信為甲冑可殫武庫之材文章瑞朝廷

尚懋儒林之業經筵值人日雪因奏春雪過多民生飢寒今依宋史訂正是月陞兼學士院

權直三月援瀋熙詞臣倪思故事乞免兼禮部郎官有旨依所乞免兼九月轉朝散郎除將作

監制梓慶之論靜心者能為輪扁之言讀書者有取欲觀聖人之作疇若匠氏之功以爾振發純英滋漸名訓更日番入時則賴以質疑三年弗言時則資之作命往服乃事以修戎甫茲視朔宜爾陟序朕奉苑囿無所資益雉監遂號於簡清若室

家惟其塗茨鴻業正思於潤色靡有虛張之繕可
以大肆於文直中繩曲中規爾高助予而勸學材
有美工有巧朕方用汝以為良若時超遷嗣有殊
渥 輪對言人君防未萌之欲存不已之誠 十

二月先生叔父宗正少卿拯卒 拯字正甫

三年丁卯四十五歲

是年正月郊祀為禮部即奏解嚴皇太后受冊禮
為太常博士前導冊寶 二月賈似道拜平章軍
國重事似道聞先生經筵奏語深忌之 事見宋史本傳然
素重先生語包恢諷先生令少自貶先生笑曰迂

相之患小員君之罪大 三月兼侍立修注官陞

權直學士院 八月輪對 僅按四字見家乘意當日必有嘉謨今不可攷

矣 十月雷先生奏十月之雷惟東漢數見命令
不專姦袞竝進卑踰尊外凌內之象又言守成必

法祖宗御治必總威福賈似道益惡之 僅按宋史本傳冬雷事在遷起居舍人後 是月除試秘書少監 制我國治合古

則媚興景化五星聚奎之歲兆於文明上帝羣玉
之府處以儒素爾學醕而富詞麗以則講論經理
諸老生未能言藻繪上命古訓誥無以過今其命
爾貳我書省飾我王度少蓬乃從臣之選中禁非

它司之比所典領者重對時嘉遇尚克丕欽 陛
兼侍講制朕惟我高宗紹開中興垂精典學爰命
臣震貳中祕監執經講幄緝熙光明之盛垂法萬
世朕甚慕焉以爾博綜百氏之籍自成一家之文
代言鼇禁以潤色皇猷載筆螭坳以謹書國典雍
容金華之晚席發揮聖人之微言朕日聞仁義之
陳庶幾三益之友是用一日二席陞侍細旃爾其
飽觀天祿石渠之藏敷暢羲文周孔之祕俾朕迪
我高后之德爾亦有無窮之聞 上疏論市船船不
報 十一月進講毛詩禮記除中起居舍人兼權

中書舍人書行吏右禮工房制朕觀一陽之來復
登羣獻以同升君舉必書古有太史友王言作命
今為三舍人爾博學精通靖共正直講昭素之易
見遇於乾龍類臣珪之文可追於西漢伊昔書洪
範三德上端拱一箴介於兩省之聯萃乃一家之
懿成爾顯德配前文人是用擢寘右螭兼典西掖
事書之策予將厯乎樞機情見乎辭亦尚思乎潤
色庶幾起居號令之重常如準繩規矩之陳則罔
所愆亦克用勸 經筵進讀孝宗寶訓終篇轉朝
請郎制歷代實為訓於皇烈祖之謨三王惟其師

張去彼敬字或傳鈔
日保

允賴儒臣之益爰肆開於經幄用祇若於先猷亦
既徹篇可後褒典爾學博而有守文膽而不浮談
經得聖人之微槁辭鼓天下之動琅然細韁之講
誦秩若成憲昭明予欲率由舊章爾惟訓於朕志
進升華序將大多聞治願力行敢替詔謀之德學
無止法尚廣樂石之忠謹按家乘載經筵進讀孝宗
云在三月陞權直學士院下與壙記不合且丙寅
九月己亥載轉朝散郎不宜複出今定為朝請郎之
誤依壙記移正惟先生既轉是階而庚午慶元府
學大成殿記仍繫朝散郎舊資殊不可解豈壙記
亦有誤歟十二月以柱史故事牒閣門直前奏
對言用人莫先察君子小人當國者疑之方袖疏

侍班後殿臺疏遽上御筆除職與祠由是二史直
前之制遂廢

四年戊辰四十六歲

是年除祕閣修撰主管建康府崇禧觀制口口口

口口口口口口口賢者出處之際胡遽浩然深慊

予衷用全體貌爾性行端謹問學淹該緝熙光明

有類執經之益討論潤色無非宜誥之文甫修立

坳乃懷居里是用寵以書林謨次之職供以祠館

恬養之真載思丹地之代言於斯為稱毋乃碧山

之不負行矣遄歸真逸閣記云予王子自柱下史

免歸為句曲山祠官夏日憇北

缺十字

陸思源有應鳳
傳皆折成白可
補於此

年高

窗夢游 九月先生弟應鳳卒於臨安 僅按家乘
其處 二日 公弟應鳳卒於臨安 府北關門 葬同墓
下安山 壽四十六 按陳合撰公母陳太碩人墓誌
銘為咸淳九年 卒據此 則家乘所載 信奉郎太常博
士先五年 器監丞 以兄嫌 改差淮西 制置使 叅議官
歷官 天祥 薦除 太常博士 甫入國門 而卒 著有默
齋稿 及訂 正三輔 黃圖 漢
郡縣 山川 風俗 記 諸書

五年己巳四十七歲

是年十二月 依舊職 差知徽州 錢譜云 以朝奉大
先生慶元 府學重建 大成殿 記後 繫街朝散 郎祕
閣同修 撰知徽州 州事 兼管內 勸農營田 事節
制軍馬 云云 以父諱 近州名 辭免不允 六年并誤
錢譜 誤也

六年庚午四十八歲

是年三月上任 吏部公嘗守是郡 民稱清白太守
先生始至 父老慶曰 此吾清白太守子也 在郡遵
節用 愛人之訓 例所不取者 悉以予民 曰絹曰折
帛 錢皆蠲一分 先期代納 曰布麥 錢曰下戶鹽 隨
衣折斛 錢曰坊場 錢銀皆為民代輸 又減榷酤 月
額免折帛 茶租 月榷 舊欠除免 糧錢增活 人倉田
又以十二萬楮 為平糶 本有水旱 則以告糶 始至
郡時 帑纔八萬 去之日 凡二十七萬 八月作慶
元府學 重建大成殿 記 轉朝奉大夫 刻羅端
良爾 雅翼於郡 齋為文序之

府志傳慶元府學記

年譜

卷

七年辛未四十九歲

是年七月除祕書監兼權中書舍人制內史掌王
 命外史掌書志職甚重也迺合二命而舉一儒
 選顧不重矣乎以爾學廣聞多筆精墨妙書林詞
 掖昔嘗從事於斯矣頃守新安亦既暮月治狀云
 最迭入為宜茲命領東大雅之群仍兼代言之職
 以蟠胃之典籍為近古之訓辭顧不美歟 再辭
 不允有旨候代 十月轉朝散大夫解郡組造朝
 供職書行吏右禮刑房兼國史院編修實錄院檢
 討官兼侍講制王人求多聞惟學遜志群臣示顯

行佛時仔肩茲以爾汲古用功績文覃思太守與
 我共理歌乃袴襦大雅於茲為羣職司是制是維儀
 鴻之吉宜侍清燕之間惟大學知修齊治平之方
 而史志著古今得失之迹資爾敷繹迪朕就將世
 南五絕之稱識其耆祖禹三昧之譽企其齊而
 進講禮記大學讀九朝通畧通鑑綱目 十一
 月除起居郎仍權中書舍人兼權吏部侍郎制書
 動有史莫重於左坳貳職守曹莫劇於右選共貳
 厥事取諸其能爾節勁氣餘學醇才粹東壁圖書
 之府領袖儒流中舍冊奏之工黼藻王度望孚已

久明陟為宜迺侍極之華仍攝朝廷之要倚相能讀墳典可知紀錄之公王劇可掌銓衡蓋取品評之審往欽乃職毋遜前聞上疏極言邊事經筵指陳成敗事機似道復謀逐之

八年壬申五十歲

是年三月進講禮記徹章賜祕書省御史御製詩天高地下禮由分聖哲于焉重糾紛心法操存無不敬治功顯設在斯文會通自可躋明盛品節因知在儉勤游夏講磨資衆彥精微盡處是尊聞轉朝請大夫制禮設莊敬恭儉具存載籍之間學

在張作重

有緝熙光明允賴羣儒之助屆時竟帙懋賞有彝爾業履粹精文章蔚贍螭坳載筆仍參讞約之司虎觀談經具有切磨之益乃若漢儒之禮記無非孔氏之格言三百三千儀文悉備多聞多見考論無遺雖明道未嘗計功然用德所以彰善特頒褒頌爰進文階大夫執圭取彼春朝秋請之義從臣第頌弘我上嘉下樂之規七月書行吏左戶房

九月初明堂攝左相進玉幣爵是月丁母太

碩人憂僅按陳太碩人以九月丁丑日卒

九年癸酉五十一歲是年六月撰周易鄭注成序云癸酉季夏哉生明

汲古堂書理宗嘗賜吏部公飛白汲古傳忠四字
以顏其堂故因以名之僅按袁桷困學紀聞序云說晚歲悉焚棄而獨成是書蓋先生著述在七百餘卷外者正不知凡幾也

瀛張作嘉

十年甲戌五十二歲
是年七月瀛國公即位 十二月服闋
恭帝德祐元年乙亥五十三歲

是年三月真除中書舍人兼直學士院制彩筆代言地莫重於修省玉堂揮翰職尤重於北門妙選一儒俾當兩制朝請大夫王應麟若古吉士為今聞人蘊藉宏深富諸子百家之學文章爾雅有三代兩漢之風頃嘗典於絲綸見謂工於黼黻矧當事機倥偬之會茲乃詞命填委之時惟詔可以回迷民惟詔可以戢悍卒惟立馬一揮之制各得其體惟狡兔三穴之語切中其機茲惟汝能不匿厥指昔在元祐軾以紫薇而掌禁林粵若建炎藻以掖垣而兼翰苑罔俾專美其昌斯文 二月賈似道潰師江上 有旨令慶元守臣勉諭赴闕 賈似道有罪免 四月造朝供職丙典奏對暫權給事中吏部尚書兼掌外制書行吏左戶兵刑房是月正謝賜紫金魚袋兼同修國史實錄院同修

撰兼侍讀制朕監於成憲惟敷學積厥躬佛時仔
 肩以光明示我德妙東多聞之彥俾居勸誦之班
 朝請大夫試中書舍人兼直學士院新兼同修國
 史實錄同修撰賜紫金魚袋王應麟高明而沈潛
 閎通而博雅造詣得儒先之奧游夏淵源文宗為
 時人之宗卿雲河漢豈惟言語妙天下方將仁義
 陳王朝爰躋進讀之聯庶幾納誨之助昔蘇軾之
 在西掖嘗侍邇英而德秀之入翰林亦兼經幄此
 乃我朝崇儒之意而况新政訪落之初懋乃嘉猷
 光乃前哲正心誠意之說朕所欲聞陳善責難之

恭爾其素講殫爾忠蓋輔我緝熙

疏陳十事

急征

討明政刑厲廉恥通下情求將材練軍實備糧餉舉賢才擇牧守防海道且請集諸路
 勤王之師厚賞以作氣惟能戰斯可守時不能用

是月之初作廣平書院記

六月庚子朔日食

應詔言答天戒五事陳備禦十策時國事日壞史
 院無人先生獨掌綸制從容應當忠義之心溢於
 言表 進讀三朝寶訓 七月除議尚書禮部侍
 郎兼中書舍人兼書行吏右制朕宏濟時艱旁求
 衆正夷典朕禮所以立天下之經說代予言所以
 見王者之志於昭竝命允謂得人朝請大夫試中

書舍人兼直學士院兼同修國史實錄院同修撰
兼侍讀賜紫金魚袋王應麟肅括而宏深高明而
篤實銅川之傳遠矣厥有淵源鐵筆之操懍然不
洧涇渭屬更大化服在通聯其文字可獨行於中
朝其論奏可昭示於當世以崇禮勁節竝灌偃月
之姦以黼藻偉詞潤色中天之業若疇時望進貳
春卿俾綸掖之兼行示橐班之增重粵若穆陵之
初政惟時建水之名儒未及分六省之書已擢冥
少常之列迺今併錫視昔有加叠五組其輝扶若
餘凡之恢拓噫禮信之士則被廬伸蒐討之威赦

張作燭是

令之乎則山東興忠憤之感體予至意懋爾遠猷

兼給事中黃鏞行時西掖獨員送給舍行詞

辭免不允曰朕當國事

多艱之時命卿貳春官掌西掖豈緩於武而急於
文哉昔人謂班朝治軍非禮威嚴不行詔書之下
能令武夫悍卒感泣文事必有武備豈不信然卿
文行粹明論奏剴切足以折姦朋之鋒植善類之
幟卿其為朕辨上下之分以肅軍容敷心腹之告
以作士氣渙號已敬需章為贄所辭宜不允
兼給事中
黃鏞撰時翰苑獨
員送給舍草詔
八月正謝賜金帶
九月祀
明堂以禮部侍郎祗滌濯九成加恩封鄞縣開國

伯食邑九

僅按先生自作墓誌及壙記皆百戶制云九百戶家乘作五百字誤也

嗟臣工而助祭清廟所以頌於周崇禮官而考文明堂所以圖於漢若稽古誼肇舉宗禋維時持橐之英相我越紳之事肆均駿惠式協慶餘朝請大夫試尚書禮部侍郎兼中書舍人兼直學士院兼同修國史實錄院同修撰兼侍讀賜紫金魚袋王應麟心正而氣和學博而識茂欽予時命皆疊典詔之文咨汝秩宗非屑玉帛之末屬中辛之饗報於先甲以思恭發帝之制則爾潤色於皇猷酌時之宜則爾討論於玉律於昭穆穆皇皇之祀爰賴

元元本本之儒矧侍祠而肅然咸秉聰而對越神人歡洽祉福函蒙於邑始封惟祭有澤伯之食四一茲循六典之規禮之儀三千其懋中庸之學

十月奏請立濟王後加封錫諡從之遣先生致祭

除兼禮部尚書辭免不允

制周官有宗伯大小

之職大禮則小佐大之事小禮則大如小之儀大者倡而小者隨大者專而小者貳也卿博學之識貫穿九流渾灑之文斧藻兩制言論雖歸於忠厚封駁不避於權豪爰陟貳卿禮典具備俾攝常伯民譽必隆周官大小之職悉以付卿昔叔孫不憚

口口之難虞廷不聽秩官之遜亟其祇受冥以辭
 為所辭宜不允 除禮部尚書兼給事中辭免不
 允制朕未有識知博采群英孰司禮如珪之賢貞
 台斗望孰批勅如藩之正號宰相材以卿學質而
 文華行端而履潔在詞垣則封駁有直氣居從列
 則獻納多嘉謀漢是用酌之僉言責以二命能貳秩
 宗必能長寅清之職能還誥命必能專封駁之長
 鎮之執五詔如初軾之陳六事有益位聞忠告何
 媿前修矧國家艱難之時非臣子辭遜之日亟祇
 成渙母事冲謙所辭宜不允兼權中書舍人方應
 發撰時翰苑獨員並

送西掖
草詔

辭兼中書舍人從之

兼攝吏部尚書

十一月丞相留夢炎用徐囊為御史時江陵帥
 朱禔孫江西帥黃萬石皆北降夢炎猶除拜二人
 官繳奏上疏駁之並糾夢炎再疏不報出關俟命
 疏入又不報即引歸僅按此條叅取家乘錢譜及
 果堂李氏甬上耆舊詩傳與
 宋史稍異 十二月詔中使譚純德以翰林學士宣召
 再辭免

二月丙子五十四歲

是年宋亡先生杜門不出所著述只書甲子朝夕
 坐堂上取經史諸書講解論辨子昌世年甫十二

僅按黃潛墓誌云甫十歲聽受無倦

元世祖至元十四年丁丑五十五歲

十五年戊寅五十六歲

十六年己卯五十七歲

十七年庚辰五十八歲

八月通鑑地理通釋成 是歲長子良學卒年三

十三

十八年辛巳五十九歲

五月漢制考成

十九年壬午六十歲

是年作四明七觀

二十年癸未六十一歲

二十一年甲申六十二歲

二十二年乙酉六十三歲

二月夢前宰輔謂陳宜中以太學所上書求作跋語寤而識之

二十三年丙戌六十四歲

正月序踐阼篇集解

二十四年丁亥六十五歲

是年同邑袁洪遣其子楫受業僅按楫樞密贈越公韶曾孫建康通

判洪子錢譜直云
韶遺其子洪舛甚

二十五年戊子六十六歲

二十六年己丑六十七歲

二十七年庚寅六十八歲

城中握蘭橋旁民家穿土得誌石乃唐開成四年
太原王夫人之墓文稱曾祖王元浩在元宗時拜
諫議大夫左庶子慕巢由之志辭疾不就因作詩
紀之 作奉化社稷壇記

二十八年辛卯六十九歲

是冬肅政廉訪副使陳祥分治慶元路慕先生名

陳祥濟南人見縣志

德造廬式之

二十九年壬辰七十歲

三月作慈湖書院記 八月作奉化重修縣治記

九月作慶元路建醫學記 十月作慶元路重建

儒學記 僅按錢譜云九月作慶元路學重建
大成殿記今依四明文獻集訂正

三十年癸巳七十一歲

八月壬寅作鄞縣重修儒學記

三十一年甲午七十二歲

十二月甲午作義田莊先賢祠堂記 袁桶書世綸
堂雅集詩卷
云吾鄉盛時比屋皆故家大官卒至國亡無賣降
于外者當至正末年諸老先生猶亡恙時則有深

宣王先生師表模範世綸雅集猶有洛社耆英之遺意謝山全氏句餘士音序云宋之亡也遺老自相倡酬時則深宜王公為主盟陳西麓尤工詩寓公則舒閻風劉正仲之徒咸豫焉

成宗元貞元年乙未七十三歲

二年丙申七十四歲

是春作九先生詞堂記 六月十二日戊申卒葬

同舉舊名同曾祖察使公墳下馬家山先期自為

墓志題曰浚儀其銘曰其仕其止如偃如圖論者謂先生風節不媿致光表聖而文章學問則遠過

之所著深宜集一百卷玉堂類藁二十三卷甫上

傳作十卷掖垣類藁二十二卷古易考不著周易鄭

注一卷二書宋史甫上詩攷五卷詩地理攷六卷

宋史甫上者舊傳皆失載漢藝文志考證十卷通鑑地理攷

傳皆作五卷舊一百卷通鑑地理通釋十六卷通鑑答問四卷困

學記聞二十卷蒙訓七十卷集解踐阼篇不著補

注急就篇六卷補注王會篇不著小學紺珠十卷

玉海二百卷詞學指南四卷詞學題苑四十卷筆

海四十卷姓氏急就篇六卷漢制攷四卷六經天

文編六卷小學諷詠四卷共七百餘卷宏簡錄本

十餘卷杲堂李氏曰先輩言古今撰述之盛前無

如葛稚川所著書六百餘卷其次即先生所著六

杲堂先生所紀卷數有誤按弟子著名者胡三省

年譜

府志心未裁

府志二

東里五里同谷山

戴表元袁桶黃叔雅史晏卿史蒙卿趙孟傑楊浚
 王惟賢先生在宋時官至朝請大夫禮部尚書賜
 金紫鄞縣開國伯夫人鄭氏丞相安晚四女孫也
 再娶江口李氏皆贈碩人三娶後陽舒氏封碩人
 子二人良學官至兩浙運幹先卒昌世字昭甫學
 者稱靜學先生以父恩補承務郎未及祿而宋亡
 入元力辭薦舉隱居教授泰定丁卯卒事詳黃
 二人一適史萬卿一適戴泳良學子文遠文遠子
 懋孫去疾去疾無子懋孫子奕傳昌世子厚孫字
 叔載學者稱遂初先生著 遂初先生著 遂初先生著
 叔載有遂初集二十卷 遂初先生著 遂初先生著

錢譜仍作遠
 附作遠

誌載皆作叔遠蓋取諸葛公語非有誤也惟當日
 何以取同祖兄名為字為可疑耳錢譜作叔遠與
 諸書不符厚孫二子陞隲人陞同隲與家乘不合
 恐未可憑厚孫二子陞隲人陞同隲與家乘不合
 也隲為宜孫後生二子宗傳中傳宗傳還為陞後
 錢譜云先生有四世孫中傳見榮陽外史集僅
 按謝山全氏甬上族望表云竹林王氏共五望其
 後散處於越居勤者微改之乘則遷越為太常
 默齋先生之後非先生裔也又按浚儀王氏家
 乘為宗傳子嗣所修弟又按浚儀王氏家
 駢四世孫鎮嘉靖間重修

深宜先生年譜終
 嘉慶庚辰余在京邸得竹汀錢氏深宜先生年
 譜度行篋中道光丁亥既自贛州歸適先生後
 人居南鄉唐家滙者以先生畫像及家乘來則

中有年譜在焉喜極取以校錢氏譜則錢譜十
譌七八甚矣譜學之難也凡家乘多附會不足
據而先生子昌世所作壙記則徵信之物也因
與婦弟張子鐵峯悉心核校以壙記家乘為主
參之錢氏及史傳諸記載稽疑訂謬別編次為
卷家乘猶是嘉靖間舊物多漫漶蠹脫處可補
者補之其不可知者以俟異日憶甲申之秋余
約同人合醵為先生作生日自後率以為常去
夏創建專祠不踰年而告歲而畫像家乘亦不
期而獲焉不可謂非先生之靈之所式憑也爰
識其緣起如此道光八年季秋邑後學陳僅跋
於文則樓

嘉定錢氏所編先生年譜半據延祐志然多失
次如遷常簿及輪對忤丁相罷職在開慶己未
通判台州在景定庚申致之先生壙記及宋史
皆合而錢譜俱在寶祐戊午其他遷除年序舛
錯不一則延祐志之不足據也道光七年五月
陳漁珊姊丈與余創建先生祠堂適得明嘉靖
間浚儀王氏家乘抄本尚書公年譜互加案校
屬余別為編次嘉定十六年至德祐元年本之

王氏家譜參以錢譜德祐二年訖元貞二年本
之錢譜參以王氏家譜云道光八年秋九月邑
後學張恕跋於長春花館

宋史儒林列傳

王應麟字伯厚慶元府人九歲通六經淳祐元年舉
進士從王埜受學調西安主簿民以年少易視之輸輸
賦後時應麟白郡守繩以法遂立辦諸校欲為亂知
縣事翁甫倉皇計不知所出應麟以禮諭服之差監
平江百萬東倉調浙西提舉常平茶鹽主管帳司部
使者鄭霖異待之丁父憂服除調揚州教授初應麟
登第言曰今之事舉子業者沽名譽得則一切委棄
制度典故漫不省非國家所望於通儒於是閉門發
憤誓以博學宏辭科自見假館閣書讀之寶祐四年

中是科應麟與弟應鳳同日生開慶元年亦中是科
詔褒論之添差浙西安撫司幹辦公事帝御集英殿
策士召應麟覆考考第既上帝欲易第七卷真其首
應麟讀之乃頓首曰是卷古誼若龜鑑忠肝如鐵石
臣敢為得士賀遂以第七卷為首選及唱名乃文天
祥也遷主管三省樞密院架閣文字遷國子錄進武
學博士疏言陛下閱理多願治久當事勢之艱輿圖
蹙於外患人才乏而民力殫宜強為善增修德無自
沮急恢宏士氣下情畢達操綱紀而明委任謹左右
而防壅蔽求哲人以輔後嗣既對帝問其父名曰爾
父以陳善為忠可為繼美丁大全欲致應麟不可得
遷太常寺主簿面對言淮戍方警蜀道孔艱海表上
流皆有藩籬唇齒之憂軍功未集而吝賞民力既困
而重斂非修攘計也陛下勿以宴安自逸勿以容悅
之言自寬帝愀然曰邊事甚可憂應麟言無事深憂
臨事不懼願汲汲未幾預防毋為壅蔽所欺時大全諱言
邊事於是應麟罷去及大全敗起應麟通判台州召
為太常博士擢秘書郎俄兼沂靖惠王府教授彗星
見應詔極論執政侍從臺諫之罪積私財行公田之
害又言應天變莫先回人心回人心莫先受直言箝

天下之口沮直臣之氣如應天何時直言者多迂權臣意故應麟及之遷制著作佐郎度宗即位權禮部郎官草百官表舊制請聽政四表已上一夕入臨宰臣諭旨增撰三表應麟操筆立就丞相總護還辭位表三道使者立以俟應麟從容授之丞相驚服即授兼禮部郎官兼直學士院馬廷鸞知貢舉詔應麟兼權直俄兼崇政殿說書遷著作郎守軍器少監經筵值人日雪帝問有何故事應麟以唐李嶠李乂等應制詩對因奏春雪過多民生饑寒方寸仁愛宜謹感召遷將作監帝視朝謂應麟曰為學要灼見古人之心

應麟對曰嚴恭寅畏不敢怠皇克勤克儉無自縱逸強以馭下制事以斷此古人之心然操舍易忽於眇綿兢業每忘於游衍帝嘉納之既而輪對言人君防未萌之欲存不已之誠擢兼侍立修注官升權直學士院遷秘書少監兼侍講上疏論市舶不報會賈似道平章事葉夢鼎江萬里各求去似道亦求去應麟奏孝宗朝闕相者亦逾年帝亟取以諭之似道聞應麟言大惡之語包恢曰我去朝士若王伯厚者多矣但此人素著文學名不欲使天下謂我棄士彼盍思少自貶恢以告應麟笑曰迂相之患小負君之罪大

遷起居舍人兼權中書舍人冬雷應麟言十月之雷
惟東漢數見命令不專姦衰並進卑踰尊外陵內之
象當清天君謹天命體天德以回天心守成必法祖
宗御治必總威福似道聞之斥逐之意決矣應麟牒
閣門直前奏對謂用人必先察君子小人方袖疏侍
班臺臣亟疏駁之由是二史直前之制遂廢以秘閣
修撰主管崇禧觀久之起知徽州其父攜嘗守是郡
父老皆曰此清白太守子也推豪右省租賦民大悅
召為秘書監權中書舍人力辭不許兼國史編修實
錄檢討兼侍講遷起居郎兼權吏部侍郎指陳成敗
順逆之說且曰國家所恃者大江襄樊其喉舌議不
容緩朝廷方從容如常時事幾一失豈能自安親臣
無以邊事言者帝不懌似道復謀斥逐適應麟丁母
憂去及似道潰師江上授中書舍人兼直學士院即
引疏陳十事急征討明政刑厲廉恥通下情求將材
練軍實備糧餉舉實材擇牧守防海道其目也且言
圖大患者必略細故求實效者必去虛文因請集諸
路勤王之師有能率先而至者宜厚賞以作勇敢之
氣并力進戰惟能戰斯可守進兼同修國史實錄院
同修撰兼侍讀遷禮部侍郎兼中書舍人日食應詔

論答天戒五事陳備禦十策皆不及用尋轉尚書兼
給事中左丞相留夢炎用徐囊為御史擢江西制置
使黃萬石等應麟繳奏曰囊與夢炎同鄉有私人之
嫌萬石羸疾無學南昌失守誤國罪大今方欲引以
自助善類為所搏噬者必携持而去吳浚貪墨輕躁
豈宜用之况夢炎舛令慢諫謹言勿敢告今之賣降
者多其任用之士疏再上不報出關俟命再奏曰因
危急而紊紀綱以偏見而拂公議臣封駁不行與大
臣異論勢不當留疏入又不報遂東歸詔中使譚純
德以翰林學士呂識者以為奪其要路寵以清秩非
所以待賢者應麟亦力辭後二十年卒所著有深宐
集一百卷玉堂類藁二十三卷掖垣類藁二十三卷
詩攷五卷詩地理攷五卷漢藝文志攷證十卷通鑑
地理攷一百卷通鑑地理通釋十六卷通鑑答問四
卷困學記聞二十卷蒙訓七十卷集解踐阼篇補注
急就篇六卷補注王會篇小學紺珠十卷玉海二百
卷詞學指南四卷詞學題苑四十卷筆海四十卷姓
氏急就篇六卷漢制攷四卷六經天文編六卷小學
諷詠四卷

浚儀遺民自誌

王氏也應麟名也伯厚甫字也其先浚儀人居鄆自曾大父始也遺民不忘舊也世系則先君吏部正奉先妣陳碩人誌銘可見也先君擢第之歲與弟太常博士應鳳生同日嘉定癸未七月也學以先君為師伯仲自為友閉門讀書不妄交也年十九第進士乙科淳祐辛丑也年三十四以博學宏詞擢用寶祐丙辰也初仕為衢州西安簿監戶部百萬倉主管浙西提舉常平茶鹽帳司添差浙西安撫司幹辦公事登朝出為添差通判台州以秘閣修撰知徽州此在外

所歷之官也始入朝主管三省樞密院架閣文字國子錄武學博士太常寺主簿又為太常博士秘書郎兼沂靖惠王府教授著作佐郎兼禮部郎翰林權直崇政殿說書遷著作郎軍器少監陞學士院權直遷將作監陞權直學士院兼侍立修注官遷祕書少監兼侍講遷起居舍人兼權中書舍人又召為祕書監兼中書舍人兼國史院編修實錄院同修撰兼侍讀遷禮部侍郎兼中書舍人兼權禮部尚書遷禮部尚書兼給事中攝吏部尚書此在內所歷之官也瑣闥封駁不得其言去詔中使趣召懇辭遂老於田園德祐乙亥也自初命至朝請大夫賜服金紫鄞縣開國伯食邑九百戶此其封階也性謹慤寡慾介直少通不苟同流俗也立朝恬靜涖官公勤處家簡儉治郡潔己愛民守先訓也再入翰苑三入掖垣制彙凡四十五卷才弱文不逮古也嗜學老不倦為困學紀聞彙次之書有詩攷詩地理考漢藝文志攷通鑑地理攷地理通釋通鑑答問集解踐阼篇補注急就篇王會篇輯古今言行為蒙訓其文彙曰深寧集然不足傳也自為誌銘倣樊川灑山也生稱逸民死表其阡曰前進士王君之墓歸全奚憾而在三之報有媿於

古之人也銘曰

學古而迂志壹而愚其仕其止如渥如圖不足稱於
遺老或庶幾乎守隅歸從先人戰兢免夫

宋吏部尚書王公壙記

先生王氏諱應麟字伯厚世居開封之祥符曾大父
諱安道武經大夫保信軍承宣使轉和州觀察使始
居四明之鄞妣陳氏龍氏並贈宜人夫諱希亮朝
散大夫妣張氏封宜人父諱攜朝請大夫吏部郎中
兼崇政殿說書累贈正奉大夫妣陳氏封太碩人先
公於嘉定十六年七月庚午與叔父太常博士諱應
鳳生同日登淳祐元年進士第授迪功郎衢州西安
縣主簿八年差監戶部平江府百萬東倉明年升從
事郎十二年差浙西提舉常平茶鹽司主管帳司是

歲丁吏部公憂寶祐三年服闋差揚州學教授四年
中博學宏詞科有旨陞擢添差湖西安撫司幹辦公
事五年主管三省樞密院架閣文字除國子錄宣教
郎六年除武學博士開慶元年除太常寺主簿景定
元年轉奉議郎添差通判台州四年轉承議郎召為
太常博士五年除行祕書兼沂靖惠王府教授遷著
作佐郎 度宗登極轉朝奉郎攝直學士院權禮部
郎官兼翰林權直兼崇政殿說書遷著作郎二年除
守軍器少監陞兼學士院權直轉朝散郎遷將作監
賜緋魚袋三年兼侍立修注官陞權直學士院遷祕
書少監兼侍講遷起居舍人兼權中書舍人經筵徹
章轉朝請郎四年除祕閣修撰主管建康府崇禧觀
五年仍舊職差知徽州吏部公舊治也六年轉朝奉
大夫七年召為祕書監兼權中書舍人兼國史院編
修官實錄院檢討官兼侍講遷起居郎兼吏部侍郎
八年經筵徹章轉朝請大夫兼直學士院兼同修國
史實錄院同修撰兼侍讀賜紫金魚袋遷禮部侍郎
兼中書舍人權禮部尚書兼給事中攝吏部尚書以
明堂恩封鄞縣開國伯食邑九百戶自是歸諡田里
逾二十年號深宜叟以元貞二年六月戊申卒於正

寢享年七十有四嗚呼痛哉娶鄭氏繼娶李氏先卒
並贈碩人繼舒氏封碩人子男二長良學承務郎兩
浙運幹羅買官先公十六年卒次昌世女二長適通
仕郎史萬卿次適 仕郎戴泳蚤卒孫男文遠曾孫
男二楸孫去疾女一昌世等不孝忍死將以是年十
二月辛酉奉匱窆於陽堂鄉同舉之原從祖父兆先
志也葬日薄謹述官爵始末以識罔極之痛云孤子
昌世泣血謹記

捐造深宜先生祠堂引

徐錫堯

吾郡碩儒未有如深宜先生者也而舊無專祠殊為
闕典今西郊文昌閣有成斥其河壩餘地足以集事
前既承當道長官及梓鄉紳士共襄盛舉巍然傑構
壯我西顧矣而不及今令不世出之名賢俎豆其旁
甚非所以講興文運誘進後生也先生之學光芒宇
宙其文集散佚然即所流傳諸書已與奎壁爭輝矣
是宜生其地者之必思所以崇報之無怠也先生孫
枝僅存保有明初所遺家乘具載歷官告身行狀墓
志傳贊他日當并勒之祠中以為此邦人觀法也惟

願勉力佐成一與建閣意無異幸甚幸甚

宋王尚書畫像記

全祖望

往者太原閻丈百詩篤嗜深窻先生之著述三屬人
入鄞求先生之行狀神道碑墓志欲附之卷尾又求
其畫像欲摹之卷首而皆不可得先生孫枝在鄞者
零落其在紹之上虞者亦不知其盛與否也予罷官
歸同學葛君巽亭為予言榆莢村王氏有先生像亟
喜往請而觀之亡宋遺民所云咸瀄人物面目當時
已等之羹鼎况大儒如先生乎先生之學私淑東萊
而兼綜建安江右永嘉之傳予於同谷三先生書院
記言之詳矣生平大節自擬於司空圖韓偓之間良

無所媿顧所當發明者有二其一則宋史之書法也先生於德祐之末拜疏出關此與曾淵子輩之潛竄者不同先生既不與軍師之任國事已去而所言不用不去何待必俟元師入城親見百官署名降表之辱乎試觀先生在兩制時晨夕所草詞命猶思挽既渙之人心讀之令人淚下則先生非肯愀然而去者今與淵子輩同書曰遁矣其一則明儒所議先生八元曾為山長一節也先生應元人山長之請史傳家傳志乘諸傳皆無之不知其何所出然即令會應之則山長非命官無所屈也箕子且應武王之訪而况山長乎予謂先生之拜疏而歸蓋與馬丞相碧梧同科即為山長亦與家參政之教授同科而先生之大節如青天白日不可掩也嗚呼先生困學紀聞中有取於姚弋仲王猛之徒與楊盛之不改正朔并謝靈運臨難之詩其亦悲矣而謂士不以秦賤經不以秦亡俗不以秦壞何其壯也嘗李德林之以事周者事隋更足為興王用人之戒今觀先生之像須眉惆悵端居不樂其當杜門謝客之際乎惜不令百詩見之也

按此記全氏所見當是私第甬中之像惟榆莢村

王非先生族屬不知當時何以有此求之村人謂已毀於讒出矣今先生孫枝居唐家滙者樸愿無文飾奉其像與家乘俱來冠帶袍笏儼然如生上方有先生自誌明崇禎間曹某書為先生第十八世女孫之婿世守足徵洵與鼎彝比重且稱此像送時曾為人攜至太原豈潛邱已得先睹而全氏作記時未相聞耶先生為宋臣傳在宋史畫像固宜遵宋冠服故本之摹諸卷首仍錄此者以榆莢村一說當在傳疑之例其發明二事亦知人論世之一助云童槐識

戊寅夏段獨山莫芷升山長臧本鈔技雪澂記

